

¡BOMBA!

De horror parece estación,
no nos cuidemos a medias,
que no sea nuestra Nación
un recuento de tragedias



K'intsil

Lunes 15 de septiembre de 2025

CAMPECHE · YUCATÁN · QUINTANA ROO · AÑO 11 · NÚMERO 2564 · www.lajornadamaya.mx



Librobuse' yaan u xíimbaltik lajunp'éel u kaajilo'ob Quintana Roo te'el k'iino'oba'

Librobuse' ts'o'ok u kóojol tu lu'umil Quintana Roo yéetel yaan u xiimbaltik 10 u p'éel ti' le 11 u méek'tankaajilo'ob le lu'umo'. K'uch tu k'iinil 9 ti' septiembre yéetel yaan u ts'o'ok máan tu k'iinil 28, beey úuchik u k'a'ayta'al ti' Encuentro Estatal de Clubes de Lectura.

Le nu'ukulo', jump'éel librería móvil táant u ts'o'okol u xiimbalt Kaanpech, yéetel maanal 2 mil u p'éel áanalte'ob ku máansik yóok'olal

ciencia, k'ajla'ay, u ti'al mejen paalal, clásicos, ichil uláak'o'ob. U tuukulil meyaje', leti' u k'ujsa'al áanalte'ob te'el mejen kaajo'obo', tu'ux ma' suuka'an u k'uchulo'obi', le beetik ti' librobuse u máansa'alo'ob. Tak walkila', waxakp'éel librobuse le ku máan u xiimbalo'ob u kaajilo'ob México.

"Yaan u p'áatal tak tu k'iinil 28 ti' septiembre, yéetel óol tuláakal méek'tankaajo'ob ken u xiimbaltej. Yaan u k'uchul tu'ux minaan

bibliotecas, je'ex tu kaajil Carrillo Puerto, Tulum, yéetel ts'o'ok u xiimbaltik Solferino, Lázaro Cárdenas, beyxan yaan u máan Bacalar, Mahahual yéetel yaan xan u k'uchul capital, ti'al u k'uchul tak tu xuul kaajil yéetel Belice, ts'o'oke' yaan xan u bin tu parqueil Andrés Quintana Roo...", tu ya'alaj Lilian Villanueva, máax jo'olbesik Instituto de la Cultura y las Artes tu lu'umil Quintana Roo.

Je'el ba'axak miatsile', yéetel xook

ku káajal. Le beetik k'a'anan áanalte'ob. Librobuse' ku máansik áanalte'ob ku tojoltik ichil 9 pesos tak 200.

"Beey túuno', máake' ku béeytal u manik áanalte' u k'áat ti'al u biinsik tu yotoch, le ken u yóotej... maas ka yanak wa ba'ax u mach paalal tu yotoch, a ke ka p'áatak chéen tu beel iPad wa teléfono, wa je'el ba'axak nu'ukul ma' k-k'áat ka p'áatak tu k'abo'ob buul k'iin", tu ya'alaj.

Bej tu'ux kun máan Librobuse' yaan u